

# Sakspapir

Sakshandsamar	Arkiv	ArkivsakID
Svein Helge Hofslundsengen	FE-223, FA-M89	20/1002

Saknr	Utval	Type	Dato
019/2021	Formannskapet	PS	04.02.2021
	Kommunestyret	PS	

## Søknad om lån frå Berivest

### Vedlegg:

#### Journalposttittel

Stiftingsprotokoll Berivest 21 sign  
Firmaattest (1)

#### Dato

02.02.2021  
02.02.2021

### Rådmannen sitt framlegg til vedtak:

1. Berivest as får tilbod om lån gjennom kraftfondet med inntil kr 500.000 til ferdigstilling investeringsføremål og oppstart av selskapet.
2. Lånet vert gitt med 10 års nedbetalingstid.
3. Frist med å nytte lånetilsagnet vert sett til den 11.07.2021

Det er ein føresetnad for utbetaling av lån, at alle punkt under vurderingsdelen er framlagt frå styret i Berivest as og funne akseptable av kommunane

### Saksopplysningar:

#### Bakgrunn

Viser til kommunestyrehandsaming og vedtak 30.11.2020

Kommunestyret av den 30.11.2020 – sak 085/2020:

#### Det er gjort følgjande vedtak i saka:

Masfjorden kommune løyver inntil kr. 675.000 til restfinansiering for etablering av Berivest – øvingsfelt for brann og beredskap. Midlane vert dekkja over drifta i 2020 rekneskapen, og vert innarbeidd i siste budsjettrevisjon 2020.

Styret rapporterer til formannskapet fram til øvingscenteret er i drift. Eventuelle avvik blir handsama av kommunestyret.

Det har vore tett dialog mellom styre i selskapet og kommunane den seinare tid for å få endeleg etablert selskapet. I denne prosessen har det oppstått eit avvik som gjer at det er behov for ytterlegare kapital til selskapet, og dette avviket er knytt til meirverdiavgift.

Styreleiar i Berivest meiner selskapet må be om eit lån på kr 500.000 frå kvar kommune.

Kompetanseheving/opplæring eige mannskap må settast i gang snarast råd. Desse gjev ikkje inntekter, så i tillegg til å ferdigstille anlegget, må vi ha likviditet til både oppstart av egne kurs, og inntektsgejvande kurs for andre.

Løpande faste utgifter må dekkast, og vi må i noko grad basere oss på å leige inn tenester på timebasis til sal, planlegging og organisering av kursa. Situasjonen rundt Covid-19 fram mot sommaren er også uviss.

Eit lån på 1 000 000 frå kommunane i tillegg til rest frå tidlegare løyvingar, vil vere med å gje selskapet handlingsrom til å komme i forsvarlig drift.

### Høyring

Overgang av verdiane frå prosjekt Berivest frå kommunal til selskapet har vore drøfta ein del med revisjon og innad mellom kommunane. Kommunane v/ordførarane og styret er samde om å stå fast ved etablering av as. Vi har bede om uttale av saka/mva.forhold ved overføring til as.

### Uttale

frå revisor

Etter merverdiavgiftskompensasjonsloven § 4 ytes kompensasjon «bare i den utstrekning anskaffelsen skjer til bruk i den kompensasjonsberettigede virksomheten»

Vurderinga skal skje på bakgrunn av formålet på anskaffelsestidspunktet.

### Fakta

Det har etter kvart vore gjort ein del løyvingvedtak dei siste åra kring etablering av selskapet;

Saknr	Utval	Type	Dato
028/2017	Formannskapet	PS	22.03.2017

### Etablering av øvingsfelt for GMBR

#### Vedlegg:

##### Journalposttittel

Prosjektutredning - Øvingsfelt GMBR 2017

##### Dato

10.03.2017

#### Rådmannen sitt framlegg til vedtak:

1. Det vert gjeve løyve til å etablere øvingsfelt for GMBR i samsvar med prosjektutgreiinga som ligg vedlagt.
2. Kostnadsramma vert på kr 200 000,- eks. mva.

## Formannskapet - 028/2017

### FS - behandling:

Ordfører Karstein Totland (H) orienterte kort og saka vart drøfta.

Det vart jobba fram følgjande framlegg til vedtak:

Masfjorden formannskap gjev rådmannen mandat til å utgreie øvingsfelt for GMBR vidare og legg til grunn at dette vert organisert som eige selskap.

Framlegg til vedtak jobba fram i møtet vart samrøystes vedteke.

### 1.2.

Sakshandsamar	Arkiv	ArkivsakID
Sigvald Kvinge	FA - M73	17/316

Saknr	Utval	Type	Dato
075/2017	Formannskapet	PS	12.09.2017
051/2017	Kommunestyret	PS	21.09.2017

### Etablering av nytt øvings- og kompetansesenter for GMBR

#### KS - vedtak:

1. Det vert etablert eit øvings- og kompetansesenter for brann- og redningstenesta lokalt i Gulen eller Masfjorden kommune.
2. Kostnadsramma med etablering er sett til kr 200 000,- for kvar av kommunane. Masfjorden kommune sin del vert finansiert over driftsbudsjettet.
3. Anlegget skal etablerast gjennom eit eige aksjeselskap der aksjeandelen er delt likt mellom Gulen og Masfjorden kommunar.

### 1.3.

Saknr	Utval	Type	Dato
100/2018	Formannskapet	PS	28.11.2018
069/2018	Kommunestyret	PS	13.12.2018

### Etablering av BERIVEST AS

#### Vedlegg:

Journalposttittel	Dato
Stiftingsprotokoll BERIVEST (3)	21.11.18
Vedtekter aksjeselskap øvingsfelt	22.04.18
ROS- analyse BERIVEST AS - April 2018 (3)	
BeriVest Risikoanalyse hoved (2)	
Leigeavtale Sløvåg utvikling AS (76422)	
Signerte intensjonsavtaler	19.11.18
Intensjonsavtale Slakteriet	
Vedr. GMBR kurstilbud HI	
VS Behov for kurs og opplæring - Intensjonsavtale med BERIVEST AS	
Intensjonsavtale med Helse Bergen	

#### KS - vedtak:

1. Masfjorden kommune opprettheld tidlegare kommunestyrevedtak (KS-051/2017) om etablering av øvings og kompetansesenter i Gulen Industrihamn.
2. Selskapet skal ha namnet BERIVEST AS.
3. Selskapet vert eit aksjeselskap der Gulen og Masfjorden kommunar har 50 % kvar av aksjeandelane.
4. Vedtekter for selskapet vert vedtekne slik dei ligg føre.
5. Styret består av 3 medlemmar valt av kommunestyret. Framlegg til styre er ein politisk representant frå kvar kommune, og ein ekstern representant. For Masfjorden kommune vert Torill Torsvik Størkersen valgt som representant i styret.

#### 1.4.

Saknr	Utval	Type	Dato
045/2019	Formannskapet	PS	17.06.2019
035/2019	Kommunestyret	PS	24.06.2019

#### Gulen og Masfjorden brann og redning (GMBR). Søknad om midlar til oppstart av øvings- og kompetansesenter Berivest as

##### Kommunestyret - 035/2019

##### KS - behandling:

Torill Torsvik Størkersen (Ap) spurte om ho er inhabil sidan ho er styremedlem i Berivest AS. Kommunestyret samla seg om at Størkersen var habil i denne saka. Saka vart drøfta.

Kommunestyret jobba fram følgjande framlegg til vedtak:

Masfjorden kommunestyre løyver inntil kr 750 000,- i eingongsstøtte til etablering og oppstartskostnader av Berivest AS

Ein føreset at styret også ser på om det er mogleg å hente inn ekstern kapital til etableringa. Framlegg til vedtak jobba fram i møtet vart samrøystes vedteke.

##### KS - vedtak:

Masfjorden kommunestyre løyver inntil kr. 750 000,- i eingongsstøtte til etablering og oppstartskostnader av Berivest AS

Ein føreset at styret også ser på om det er mogleg å hente inn ekstern kapital til etableringa.

#### 1.5.

Saknr	Utval	Type	Dato
115/2020	Formannskapet	PS	17.11.2020
085/2020	Kommunestyret	PS	30.11.2020

#### Berivest - søknad om tilleggsløyving etablering av øvingsfelt for brann og beredskap

##### KS - vedtak:

Masfjorden kommune løyver inntil kr. 675.000 til restfinansiering for etablering av Berivest – øvingsfelt for brann og beredskap. Midlane vert dekkja over drifta i 2020 rekneskapen, og vert innarbeidd i siste budsjettrevisjon 2020.

I påvente av etablering av as et er rekneskapen ført i kommunerekneskapen til Masfjorden, ein rekna i starten med at dette var for kort tid, men det har teke lang tid å få skipa selskapet.

Prosjektrekneskapen er ført med mva.refusjon.

Kommunane har løyvd samla kr. 2.850.000

Brutto rekneskap viser 2.534.886, noko som inneber at ein har att kr. 315.114. Dette skal dekke rest investeringar - aksjekapital – driftslikvider – dvs. at ein framleis har eit finansieringsavvik

For å gjennomføre investeringa treng ein tilleggsøyving på kr. 750.000, fordelt med 375.000 pr. kommune  
Aksjekapital på kr. 50.000 pr. kommune – samla 100´  
Driftslikvider i startfasen

Det vert søkt om lån på kr. 500.000 av kvar av eigarkommunane.

### **Vurdering**

Ein legg opp til eit skarpt skilje mellom kommune og selskap frå 1.1.2021. Alt i 2021 vert ført i as berivest. Verdiane som mellombels er ført i kommunerekneskapen (2018-20) skal over til selskapet, når selskapet er stifta og registrert i brønnøyregistra. Prosjektrekneskapen er ført med mva.refusjon. dette må korrigerast for i samband med etablering av selskapet.

Oppgjer for overføringa skjer mot dei løyver som er gitt i vedtaka. Dei midlane som er tilført skal vere vederlag for å dekke kompetanseavviket som i dag ligg på GMBR. For å gjere dette riktig må det utarbeidast ei prisliste for tenestene, og det må førast som sal i selskapet sitt rekneskap. Det må lagast ei avtale med selskapet som syner desse føresetnadane.

Det er vidare semje om at for den situasjon at Berivest treng driftskapital, vil lån inn til selskapet vere ein farbar veg. Ein førebels «lånesøknad på kr. 500.000 til kvar kommune er mottatt, men ikkje styrebehandla. Kommunane krev og framlagt eit budsjett, med realistiske tal både på innteks- og utgiftssida. Det bør gå fram korleis ein skal drive kursa og selskapet, pris for instruktørar, tidsplan for opplæring mannskap i GMBR.

Dei føresetnadane som er innarbeidd i vurderingsdelen må vere på plass før utbetaling av lån vert gjort frå kommunen si side

### **Konklusjon**

Gitt av dokumentasjonskravet i vurderingsdelen er på plass og har eit akseptabelt innhald, tilbyr Masfjorden kommune Berivest as tilbod om lån gjennom kraftfondet med inntil kr 500.000 til ferdigstilling investeringsføremål og oppstart av selskapet. Lånet vert gitt med 10 års nedbetalingstid, og det er naturleg å sette ein frist, slik at midlane ikkje vert bundne unødvendig opp, med frist med å nytte lånetilsagnet vert sett til den 11.07.2021.

### **Formannskapet - 019/2021**

#### **FS - behandling:**

Torill Torsvik Størkersen (Ap) sa ho var inhabil i denne saka sidan ho er i styret i selskapet og forlot møte. Formannskapet samla seg om at Størkersen var inhabil.  
Saka vart drøfta.

Framlegg til vedtak vart samrøystes (4 røyster) tilrådd til kommunestyret.

**FS - vedtak:**

1. **Berinvest as får tilbod om lån gjennom kraftfondet med inntil kr 500.000 til ferdigstilling investeringsføremål og oppstart av selskapet.**
2. **Lånet vert gitt med 10 års nedbetalingstid.**
3. **Frist med å nytte lånetilsagnet vert sett til den 11.07.2021**

**Det er ein føresetnad for utbetaling av lån, at alle punkt under vurderingsdelen er framlagt frå styret i Berinvest as og funne akseptable av kommunane**